



UNIVERSITÄTS-  
BIBLIOTHEK  
PADERBORN

## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

De S. Benedicto.

---

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

cum ad imaginem Crucifixi vehementius oraret, audivit hanc vocem, *Bene scripsisti de me, Thoma, quam ergo mercedem accipiens? at ille non aliam, Domine, nisi teipsum.* Quod ei rursus contigit, Ecclesiasticum officium de S. Sacramento scribenti. O si facta tua sic Deo probarentur! Disce hinc magnifacere hujus Sancti doctrinam & cum eo non humana aliqua præmia doctrinæ tuæ sperare, sed divina, ac Deum ipsum. 3. Pluribus in vita miraculis, & post mortem claruit.

21. Mart DE SANCTO BENEDICTO.  
PUNCTUM PRIMUM.

Cur Deus ordines religiosos instituit

1.

2.

3.

**D**EUS varios religiosorum Ordines instituit. 1. Ut homo idem ageret pro Deo, quod Deus pro homine. Quemadmodum enim Deus homini non largitur solum necessaria, sed alia plurima summa liberalitate concedit: ita homo non solum obsequium necessarium tribuere debebat Deo, servando ejus præcepta; sed eum etiam decebat, sequendo ejus consilia, quasi liberalius cum Deo agere. 2. Ut triplici castitatis, paupertatis & obedientiæ voto totum Satanæ imperium rueret. 3. Ut imperium Christi magis ac magis stabiliretur, ejusdemque vita sanctissima, quæ tota nec ab uno homine, nec ab uno religioso Ordine satis exprimi poterat, à variis religiosis Ordinibus adumbraretur.

Hinc

Hinc vides quanti debeas statum religiosum  
æstimare.

## PUNCTUM II.

**S**ANCTUM Benedictum non modo ad præstan-  
stem illum statum vocavit Deus: sed etiam  
elegit, ut sanctissimi amplissimique Ordi-  
nis Pater esset ac fundator. Vide quot donis  
eam ob causam, quot gratiis atque virtutibus  
fuerit illustratus. Nam 1. vix natus erat annos  
quatuordecim, cum mundum fastidens se in  
solitudinem ac speluncam abdidit. 2. Carnem  
suam odio habebat, eamque multis jejuniis vi-  
giliisque macerabat. Insigne est quod se in ve-  
pribus tamdiu volutavit, dum lacerato corpore  
impuræ voluptatis sensus dolore opprimeretur.  
Ex quo vitæ reliqua ab hujus generis tenta-  
tione planè immunis fuit. Tanti est semel se  
fortiter vincere. 3. Magnæ erat in ferendis a-  
liorum defectibus patientiæ. 4. Incredibilis fi-  
ducia erga Deum. quâ sperabat ea quæ despe-  
raret humana prudentia. 5. Animarum zelo  
flagravit, quo impulsus incolas Cassini mon-  
tis ad Christum convertit, & adolescentes  
multos erudiendos ad pietatem suscepit. 6. tan-  
ta in Deum charitate fervebat, ut totus Deum  
spiraret. 7. Conspicuis erat admirabili sapien-  
tia, qua regulas Ordinis sui tam apte condidit,  
ut orationis exercitio manualia opera, solitu-  
dini communitatem, subditorum erga Supe-  
riores summam observantiam cum summa

Virtutes  
Benedi-  
cti Reli-  
gioso-  
rum pa-  
rentis.

1.

2.

3.

4.

5.

6.

7.

Hh §

Su.

Superiorum erga subditos suavitate, assiduitatem in choro cum charitate in proximum, vitam perfectam cum infirma natura, Martham cum Maria admirabiliter conjunxerit.

## PUNCTUM III.

Præmia  
ejus vir-  
tutibus  
concessa

1.  
In hac  
vita.

2.  
In altera

2. vpr.

Vocatur  
exeremo  
ad mul-  
torum  
salutem.

**I**gitur tam sublimi vocatione dignum se sanctus Benedictus exhibuit; sed dignam à Deo tum in hac vita, tum in altera mercedem recepit. 1. In hac vita quidem in qua Ordinem suum vidit florentissimum, in omnes prope nationes propagatum, Ecclesiæ honorificum, omnibus salutarem: in quo ordine tot habebat Angelos quot religiosos, in quem tam multi Reges, Principes, Optimates ingressi sunt, ex quo tot in Pontificum, Ecclesiæ Principum, Sanctorumque numerum translati sunt. Præterea illustris fuit dono miraculorum & prophetiæ qua & futura & occulta prædicebat, quod Totilæ contigit. 2. In altera vita, ubi nunc eminenti gloria fruitur, & innumerabili Religiosorum suorum multitudinæ coronatur.

DE S. FRANCISCO A PAULA  
PUNCTUM PRIMUM.

**C**onsidera primum singularem providentiam Dei evocantis ex eremo Franciscum ad procurandam hominum salutem: tum expendere incredibilem obedientiam divini illius hominis, qui omissis primo Dei impulsu suavissimis eremi